

ՍԻՍԻԱՆԻ ԳՈՐԳԵՐԸ

Մ. Գ. ԵՐԶՆԿՅԱՆ

Կիրառական արվեստի ամենատարածված և զարգացած տեսակը Սիսիտ-
նում եղել և մնում է գորգագործությունը:

Գյուղից գյուղ կրկնվում են գորգերի համարյա նույն տեսակները, զար-
դանախշերի օգտագործման շատ աննշան շեղումներով և մոտավորապես
պահպանելով կոլորիտի նույն տարրերը, որի գունային գաման տատանվում
է 7—12 գույների միջև: Եվ այնքանով, որքանով գորգարվեստը անցել է բա-
վական երկար պատմական զարգացման ուղի, այդ ընթացքում առանձնացել
են գորգերի որոշակի տեսակներ, որոնք առավել սիրված են ժողովրդի կող-
մից: Այս հողվածում մենք կանգ կառնենք ղրանցից մեկ-երկուսի վրա:

Խոշոր զարդանախշերը (մեղալիոններ) գորգի կենտրոնական գաշտում
հիմնականում բնորոշում են նրա այս կամ այն տեսակը: Մենք պահպանել
ենք այդ սկզբունքը ամենահատկանշականները բնորոշելու համար:

Գյուղերում¹ հանդիպող գորգերից ամենատարածվածը «պոզնոցի նախշն»²
է: Այդ գորգերի կենտրոնական գաշտում գերիշխում են երեք տիպի երկրա-
չափական խոշոր զարդանախշեր՝ շեղանկյունի, վեցանկյունի և բազմանկյու-
նու տեսքով, աստիճանաձև եզրանախշերով (կոպիտ գծանկարով խաչ հի-
շեցնող):

Առաջին տեսակը բնորոշում է հստակ երկրաչափական գծայնությունը:
«Կենաց ծառի» մոտիվը խիստ ձգված է, և այդ նույն ձևով պահպանված են
հիմնական մեղալիոնի մյուս մոտիվները՝ խաչ, աստղ, շեղանկյունի: Խոշոր
շեղանկյունաձև զարդանախշերը կենտրոնական դաշտում կրկնված են երկու
անգամ:

«Ողնոցի նախշի» հաջորդ տեսակը, պահպանելով նույն խիստ գծայ-
նությունը, տարբերակում է գալարագծի մոտիվը, պահպանում է ուղղանկյու-
նի կառուցվածքը, թույլ շտալով ոչ մի կլորություն, ղրանով իսկ հասնելով
ամբողջ պատկերի ոճական միասնությանը:

Այս գորգերի երկու տեսակներում պահպանված են մուգ կապույտ և
մուգ կարմիր ֆոնները, որոնց վրա շատ արտահայտիչ ձևով երևում են լու-
սավոր գծագրումներով խոշոր զարդանախշերի ուրվագծերը:

Երրորդ տեսակը հանգես է գալիս խոշոր մեղալիոնի շատ բնորոշ աստի-
ճանաձև եզրազարդով, որը նույն մեղալիոնում կրկնվում է երկու անգամ:
Նույն զարդանախշի կրկնությունը ընդհանրապես շատ բնորոշ երևույթ է
այդ տիպի դորգերի համար:

Եթե առաջին երկու տեսակներում մեղալիոնները մեծ են և դորդի հիմնա-
կան դաշտում կրկնվում են երկու անգամ, ապա երրորդ տեսակում՝ հինգ

¹ Բնուհիս, Ախլաթյան, Տուրոս, Բոնակոթ, Աշոտավան, Լեռնաշեն, Լոր և այլն:

² Այստեղ և մյուս տեղերում պահպանված են ժողովրդական տերմինները:

անգամ: Այդ հանգամանքը վկայում է «պողնոցի նախշով» գորգերի կոմպոզիցիոն տարրեր կառուցվածքի մասին, որը թելադրված է գորգերի շափսերով³:

Այստեղ ներկայացված գորգերի այդ երեք տեսակները, մեղ թվում է, կարելի է համախմբել մի տեսակի մեջ և անվանել «պողնոցի նախշով» գորգեր: Երկրորդ տիպը, ի տարբերություն առաջինի, որը տարածված էր մեր տեսած բոլոր տասը գյուղերում, մեղ հանդիպեց միայն Բնունիսում, Բռնակոթում և Աշոտավանում (Աղբյանդ): Սրանք հայկական ղորգերը հետադոտող Վ. Թեմուրջյանը բնութագրել է որպես վիշապազորդ⁴:

Ութը վիշապների ուրուռն ֆիգուրները շրջապատում են հավերժական շարժիչ խորհրդանշանը, առնված քառակուսու մեջ, որի երկու կողմերում վիշապների միջև շրջափակված է կենաց ծառի մոտիվը: Սա մի մեղալիոնի նկարագրությունն է: Այդ տեսքով մեծ զարդանախշը կրկնվում է երեք անգամ: Հաճախ կենտրոնական զարդանախշը լինում է մուգ շագանակագույն (բրդի բնական գույնը), մուգ կապույտ, մուգ կարմիր գույների, իսկ մնացած երկուսը՝ բաց կարմիր և հակառակը: Բոլոր դեպքերում պահպանվում է գունային հավասարակշռությունը: Վ. Թեմուրջյանի համոզմամբ այդպիսի ղորգերում պատկերված վիշապը հեթանոսական ծագում ունի:

Եթե առաջին տիպի գորգերի համար բնորոշ էր գծայնությունը, ապա վիշապազորդներում գծանկարը տեղ է տալիս պատկերի արտահայտման դեղանկարչական ձևին (նկ. № 1):

Մեր ուսումնասիրությունների ընթացքում ուշադրավ էր մի հետաքրքիր հանդամանք. Տոլորս գյուղում և Սիսիան քաղաքում (շրջկենտրոն) հանդիպում են գորգեր, որոնք իրենց կենտրոնական դաշտի զարդանախշով հիշեցնում են նշանավոր «Գոհարի գորգը» 1680 թ. (գտնվում է Լոնդոնի Ալբերտի և Նիլզավետայի թանգարանում): Այդ ևս Վ. Թեմուրջյանը դիտում է որպես վիշապավոր, և իբրեք, վիշապի մոտիվը այնտեղ առկա է բավական արտահայտիչ ձևով:


Այդ երկու գորգերի կապը՝ «Գոհարի գորգի» և մեզ հանդիպած գորգերի հետ, դժվար թե պատահական լինի: Պետք է ենթադրել, որ մեր ուսումնասիրությունների ընթացքում, հետազայում, հնարավոր կլինի հանգել ավելի ճշգրիտ եզրակացությունների, շնայած ներկայումս էլ այդ գորգերի զարդանախշերի մոտիվությունը բացահայտ է:

Այսպիսով, Սիսիանի գորգերի երկրորդ տեսակը մեր կողմից առանձնացված է որպես վիշապավոր:

Հաջորդ տեսակը անվանում են «չթի նախշով» գորգեր, որոնք հաճախ հանդիպում են Բնունիսում,՝ Բռնակոթում և Սիսիան քաղաքում: Սրանցում հիմնական շեշտը դրվում է մի ոչ մեծ նախշի վրա, որը կրկնվում է գորգի լայնքով և երկայնքով խիստ հետևողականորեն: Նախշը շեղանկյունի է: Կառուցման սկզբունքով, «չթի նախշին» հետևում է զորդի մի այլ տեսակ, որի նախշը նման է ծաղկասկահակի՝ շրջափակված մի քիչ անսովոր սրտակերպ դիմակ հիշեցնող ձևի մեջ:

³ Առաջիններում գերիշխում են 1,2,5 մ կամ 1,5,3 մ չափեր, երրորդում՝ 1,5,5 մ:

⁴ Վ. Թեմուրջյան, Գորգագործությունը Հայաստանում, ԳԱ պատմության ինստիտուտ, Երևան, 1955:



Այդ խմբի զորդերը, մեր կարծիքով, կարելի է առանձնացնել որպես երրորդ տեսակ և անվանել «շթի նախշով» զորդեր։

Գորգերում օդտաղործված բազմաթիվ մոտիվներում երկրաչափական սկզբունքի դերիշխումը ակնառու կերպով վկայում է օրնամենտի ստեղծման առանձնահատկության մասին ընդհանրապես։

Եթե գորգերի այս կամ այն տեսակը բնորոշվում են խոշոր զարդանախշերով, ապա երկրորդական մոտիվները օդտաղործվում են ամենուրեք, որտեղ նրանց կարիքը զգացվում է։ Եվ եթե խոշոր մեղալիոնները համապատասխանում են իրենց որոշակի տեսակին, ապա երկրորդական մոտիվները ավելի մասսայական են և անցնում են մի գորգից մյուսը, անկախ նրանց տեսակներից, և յուրաքանչյուրում ստանում են իրենց երանգավորումը, որը կախված է այն շեշտից, որ դրվում է նրա վրա։

Սիսիանի զորդերում շատ տարածված է թռչնային մոտիվը, որը ընդհանրապես անվանում են «դուշ», անկախ նրանից, թե ինչ թռչուն է պատկերված գորգի վրա։ Մասսայական են նաև աստղերի, խաչերի, վեռերիկ վարդերի, եղնիկների, մարդկային ֆիգուրաների արտացոլումը։ Բոլոր այդ մոտիվները մի դեպքում խիստ երկրաչափական են և դժային (աստղեր, խաչեր), մյուսները ոճավորված են, մոտենալով բնական նախատիպին (թռչունների, եղնիկների, մարդկային ֆիգուրաների)։

Գորգերում շատ տարածված է օձի նախշը, որը օգտագործում են բավական հաճախ և շատ։

Ընդհանուր տարածում գտած մոտիվների հետ համատեղ գորգերի վրա հաճախ ընդօրինակվում են կենցաղային իրեր. օրինակ՝ աղաման, սանր և այլն։ Այդ վկայում է Սիսիանի զորդերի շատ մոտիվների բացառիկ պարզունակության մասին։ Նրանց մեջ լայնորեն օդտաղործվում են նաև գորգերի ստեղծման տարեթվերի և գորգագործի անվան, երբեմն էլ աղղանվան նշումները։ Դրանք ներդաշնակորեն ձուլվում են զորգի դեկորի ընդհանուր անսամբլի հետ (նկ. № 2)։

Գորգերի եզրազարդերում օդտաղործվում է օրնամենտային մոտիվների որոշակի մի խումբ, որի մեջ մտնում են այսպես կոչված «բլարիփինջի նախշ» (հայկական զորդերում հայտնի է որպես տերևի և ըմպանակի նախշ), «հավի նախշը», «ճաները», «թորակները» (ճյուղավոր շեղանկյուններ)։

Դրանց հետ միասին գորգերում լայնորեն օգտագործվում է օրնամենտը։ Անհրաժեշտ է նշել, որ սև և սպիտակ գույները լայն օգտագործում չեն գտել ոչ Սիսիանի հնագույն և ոչ էլ նոր զորդերում։ Գորգերի գունային զամման լուծվում է մեծ ճաշակով և դրանով հասնում է հաճելի երանգավորման։

Սիսիանում լայնորեն օգտագործում են բրդի բնական գույներ, որն ինքնուրույն զրական երևույթ է։

Չի կարելի չնշել գորգագործների՝ հիմնականը և երկրորդականը գունային համադրությամբ առանձնացնելու բացառիկ հմտությունը, որտեղ շօտագործելով սև և սպիտակ գույները, միշտ գտնում են երանգավորման միջին լուծում։

Ներկայումս գորգագործները օգտագործում են քիմիական ներկանյութեր, սակայն ոչ միշտ են կարողանում ճիշտ վարվել նրանց հետ և դա բացասաբար է անդրադառնում գորգերի գունային լուծման վրա։

Եթե XIX դարի վերջին և XX դարի սկզբներին Սիսիանում գորդագործությունը ինտենսիվ զարգացում էր ապրում, ապա այդ չի նկատվում այժմ: Անկասկած, դրանում արտահայտվում է ժամանակի ոգին: Մեր օրերում տորքի (դազգաճի) մոտ նստելու աննպատակահարմարությունը խիստ զգալի է: Այն դեպքում, երբ միշտ կարելի է գնել գործարանային արտադրանքի գործվածքներ, այդ գործի վրա ժամանակ վատնել չեն ցանկանում:



Նկ. 2

Բնատնտեսությունը դարձել է պատմության սեփականությունը և մեր դարաշրջանը առաջադրում է իր խնդիրները, որոնք վերաբերում են նաև կիրառական արվեստին: Այն փաստը, որ դյուզում հիմնականում չեն գործում գորգեր, անժխտելի է, չնայած որոշ տեղերում, ինչպես Բնունիսում և Բոնակոթում դեռևս որոշ մարդիկ շարունակում են դրադվել գորգագործությամբ:

Հին հայկական գորգերի օրինակով «Հայ գորգ» ֆիրման և բազմաթիվ արտելներ արտադրում են ձեռքի աշխատանքի դրոգեր, որոնք մեծ ընդունելություն են գտնում մեզանում, Միության մեջ և արտասահմանում: Այդ ամենի մասին կարող են վկայել այն բազմաթիվ մեղալները, որոնց արժանացել են Հայաստանի շատ գորգեր:

Մեզ թվում է, որ ձեռքի աշխատանքի գորդագործության մեջ կարելի է ակտիվորեն ընդգրկել գյուղական գորգագործուհիների որոշ մասը:

Կարելի է նաև լայնորեն դնել բնական ներկանյութերի օգտագործման հարցը և բարձրորակ բրդի օգտագործումը, որով գյուղերում անկողիներ են պատրաստում: Բայց այս ամենով հանդերձ, գորդագործության բնազավառում դեռևս դոյություն ունեն ցավալի փաստեր: Այսպես, օրինակ, գորգերի վրա

վերարտագրվում են նախշեր, որոնք ընդօրինակվում են ասեղնագործությունից, մետաքսի և շիժի տարբեր կտորների նախշերից:

Յուրաքանչյուր արվեստի առանձնահատկությունը առաջացնում է արտահայտչամիջոցների ինքնատիպություն: Օրինակ, եթե դունավոր թելերով ասեղնագործության մեջ անհրաժեշտ են բոլոր գունային նրբերանգների անցումները, ապա դորդերը այդ չեն պահանջում ընդհանրապես, որովհետև իրենց առանձնահատկության ուժով գորգի կենտրոնական դաշտը կառուցվում է ինչպես ամբողջական դույնով, այնպես էլ ընդհանրացված դեկորատիվ կերպարով, որը միանդամայն ժխտում է նրա մասնատումը:

Բռնակոթ դյուզում գորգերի վրա շրջագծեստի համար գնված կտորից նախշեր են ընդօրինակված: Այդպիսի դորդը ամենևին չի համապատասխանում այն դեղադիտական պահանջներին, որոնք դրվում են կիրառական արվեստի այդ տեսակի առջև: Այդ պահանջներին չեն բավարարում նաև երկու ահագին եղջերուներ, որոնք օգտագործված են վիշապագորգի երկու մեղալիոներում (Բռնակոթ դյուզում):

Նշված օրինակները բոլորովին չեն կապվում այդ արվեստի ազգային ավանդներին, բացահայտ կերպով իջեցնում են այն հնարավորությունների մակարդակը, որոնք կարելի է ներկայացնել գորգին, որպես դեկորատիվ-կիրառական արվեստի ստեղծագործության:

КОВРЫ СИСИАНА

М. Г. ЕРЗНКЯН

Р е з ю м е

Изучая старинные сисанские ковры, автор выделил три основных наиболее характерных вида. Первый, самый распространенный, известен под названием «узор подноса» с резко выраженным геометрическим характером. Второй—«драконовые ковры» и ковры—типа «Гоар» 1680 года, находящийся в «Музее Альберта и Елизаветы» в Лондоне. Третий вид—ковры с ситцевым узором. Наряду с этим распространены ковры с мелким орнаментом. В колорите ковров отсутствуют черный и белый цвета, широко используется натуральная коричневая шерсть.